



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

LXXXIII. Confirmat Decretum Capituli Generalis Congregationis  
Hispaniarum Fratrum Discalceatorum nuncupat. Sanctissimæ Trinitatis  
Redemptionis Captivorum, scilicet, quod Prælati locales, seu ...

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

LXXXII.

Quod Fratres Minores de Observantia S. Francisci Provinciae Valentiae non possint transire ad Recollectos absque licentia Ministri Provincialis.

De transitu ab una ad aliam Familiam Observantium & Reformatorem vide ad Constitut. 240. Urban. VIII. Injuncti nobis, & ad Constit. 292. Religiosos viros.

Edita A. D. 1660.

ALEXANDER PAPA VII.

Ad futuram rei memoriam.

Motiva hu- jus Conclit.

Alias pro parte dilecti filii Jacobi Quintana Procuratoris Provinciae Valentiae Ordinis Fratrum Minorum S. Francisci de Observantia nuncupatorum Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praeposita exposito, quod vigore concordiae dudum inter fratres Minores de Observantia nuncupatos ex una, & fratres Recollectos Provinciae, & Ordinis praedictorum ex altera partibus initae, & a fel. rec. Gregorio Papa XIII. praedecessore nostro confirmatae, qua cavetur, quod fratres qui ex domibus non Recollectis ad Recollectas transire voluerint, consensum prius in scriptis habeant Guardiani, & Conventus domus, ad quam transire intenderint, consensus vero hujusmodi per vota secreta exquiratur; eo obtento licentia humiliter petatur a Ministro Provinciali transeundi ad praedictam domum quam ipse Minister benigne concedere teneatur: multi non zelo virtutis, nec ut ferventius Deo servire possent, sed per voluntatis inconstantiam, & mutabilitatem tenderent ad aliquem Conventum Recollectorum, & acciperent vota; ac licet Minister Provincialis videret talem transitum esse contra bonum regimen dictae Provinciae, & nullo modo convenire, ipso invito transirent ad Recollectos, sine particula supradictae concordiae, qua dicitur quod Minister Provincialis licentiam concedere teneatur.

§. 1. Et in eadem expositione subjuncto, hoc videri esse contra mentem d. Gregorii praedecessoris, & Religionem, ideoque ad tales abusus evitandos d. Congregationi supplicato, ut declararet dictam particulam; ita scilicet ut Minister Provincialis ejusmodi licentiam concedere teneatur, si judicaverit secundum Deum ita expedire, & non aliter, & si de aliis affirmativis, & negativis in eadem concordia positae emanavit ab eadem Congregatione Decretum tenoris qui sequitur, videlicet.

§. 2. Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium praeposita attentis narratis, ac audito Ministro Generali Ordinis hujusmodi circa praemissa declarandum censuit, prout praesentium tenore declarat, & decernit ex vi praecitatae clausulae in memorata concordia a Gregorio XIII. confirmatae appositae, Ministrum Provinciale Provinciae praedictae pro tempore existentem ad concedendam licentiam ejusmodi transitus non teneri nisi quando secundum Deum illam concedere judicaverit expedire, & sic de aliis affirmativis, & negativis, in eadem concordia contentis, quibuscumque in contrarium non obstantibus, Romae 19. Decembris 1659.

§. 3. Cum autem sicut dicitur Jacobus Nobis nuper exponi fecit, ipse Decretum hujusmodi Apostolicae, confirmationis nostrae robore communiti summopere desideret: Nos ipsum Jacobum specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis

sententiis, censuris, & poenis a jure, vel ab homine quavis occasione, vel causa latis si quibus quomodolibet innodatus existit ad effectum praesentium dumtaxat consequen. harum serie absolventes, & absolutum fore censentes:

§. 4. Supplicationibus ejus nomine Nobis super hoc humiliter porrectis inclinatis, Decretum praesentium auctoritate Apostolica tenore praesentium confirmamus, & approbamus, illique inviolabilis Apostolicae firmitatis robur adjicimus, salva semper in praemissis auctoritate praedictae Congregationis Cardinalium.

§. 5. Decernentes easdem praesentes litteras semper firmas, validas, & efficaces existere, & fore, ac ab illis ad quos spectat, & pro tempore spectabit inviolabiliter observari; sicque in praemissis per quoscumque Judices ordinarios, & Delegatos, etiam causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Non obstantibus praemissis, ac constitutionibus, & ordinationibus Apostolicis, caeterisque contrariis quibuscumque.

Datum Romae apud S. Mariam Majorem sub Annulo Piscatoris, die 22. Januarii 1660. Pontificatus Nostri Anno quinto.

Confirmat prout in Rub.

Decretum irritans.

Contrariis derogat.

Dat. P. An. 5. die 22. Jan.

Confirmat Decretum Capituli Generalis Congregationis Hispaniarum Fratrum Discalceatorum nuncupat. Sanctissimae Trinitatis Redemptionis Captivorum, scilicet, quod Praelati locales, seu Conventuales non amplius habeant vota in Capitulis Generalibus, sed solum Superiores Generales, Diffinitores Generales, Provinciales, & Socii, seu Discreti.

LXXXIII.

De his Fratribus vide ad Constitut. 208. Urbani VIII. Exponi Nobis, & ad Constit. 175. Injuncti Nobis, in quibus agitur de electione, & vacatione Ministri Generalis eorundem.

ALEXANDER PAPA VII.

Ad futuram rei memoriam.

Edita A. D. 1660.

AD Pastorale fastigium meritis licet imparibus, Divina dispositione evecti, illis, quae pro felici, prosperoque Congregationum Virorum Altissimi obsequiis sub suavi arctioris Religionis jugo mancipatorum regimine, & gubernio providere, & salubriter decreta, & constituta esse confpicimus, libenter cum a Nobis petitur Apostolici muniminis adjungimus firmitatem.

§. 1. Exponi siquidem Nobis nuper fecit dilectus filius Procurator Generalis Congregationis Hispaniarum Fratrum Discalceatorum nuncupatorum Ordinis Sanctissimae Trinitatis Redemptionis Captivorum, quod iidem Fratres in eorum Capitulo Generali die 10. Maii proxime praeteriti in Civitate Toletana celebrato, cui juxta litteras Apostolicas in simili forma Brevis per dictam Congregationem obtentae, intervenerunt, & in quo vocales fuerunt dilecti pariter filii Minister Generalis, Diffinitores Generales, Provinciales, & Ministri Conventuales ipsius Congregationis, considerantes eandem Congregationem benediciente Domino dilatam esse in tres Provincias, & plurimas domos inter se valde distantes, quippe in Regnis Castellae, Beticae, Aragoniae, Navarrae, Cathaloniae, & Valentiae positas: confititque ipsis per experientiam occasione accessus Ministrorum Conventualium ad Capitulum Generale, longissima itinera suscipi, magnaque fieri expensas; quin etiam propter diurnam illorum a Conventibus absentiam minus vigere in eis regularem observantiam, ac perpenso eos, quos Vocales assignari, ut infra petitur, majoris esse obser-

vantia, doctrinae, & experientiae, necnon animadvertentes in multis Religionibus, tam antiquis, quam non ita pridem institutis Praelatos locales, seu Conventuales non concurrere nec habere vota in Capitulis Generalibus, sed solum Superiores Generales, Diffinitores Generales, Provinciales & locios seu Discretos, prout Fratres Discalceati nuncupati Ordinum Beatae Mariae de Monte Carmelo, & Eremitarum S. Augustini respectivè observant; aliisque demum mature discussis, & ponderatis.

§. 2. Statuerunt, & decreverunt per secreta suffragia, quod Ministri Conventuales d. Congregationis non adeant Capitulum Generale ipsius Congregationis, quod de triennio in triennium celebratur, nec in eo habeant vota. Item quod obtineri debeant ab hac Sancta Sede litterae Apostolicae approbationis, & confirmationis hujusmodi determinationis, cum derogatione quarumvis aliarum Apostolicarum in forma Brevis litterarum eidem determinationi contrariarum. Praeterea à Nobis petendum esse, ut assignemus pro vocalibus Capituli Generalis ejusdem Congregationis Ministrum Generalem, Diffinitores Generales, Provinciales, & unum Socium pro unaquaque Provincia ipsius Congregationis, ut cum Provinciali veniens ferat vocem Provinciae, qui tamen Socius debeat esse unus ex Ministris Conventualibus ipsius Provinciae; Ad haec, quod post obtentam à Nobis confirmationis hujusmodi litteras, pro hac prima vice, & pro Capitulo proximè celebrando, praedictus socius pro qualibet Provincia eligatur per secreta suffragia à Ministro Generali, & à duobus Diffinitoribus Generalibus, necnon Provinciali illius Provinciae, pro qua eligetur socius. A Capitulo verò proximè futuro fiat electio Socii pro unaquaque Provincia post finitas electiones Praelatorum, concurrentibus tantum ad dictam electionem Ministro Generali, duobus Diffinitoribus, Provinciali illius Provinciae, & socio jam tunc existente in Capitulo. Si autem per mortem, inhabilitatem, vel aliam justam causam dictus socius sic pro unaquaque Provincia in Capitulo Generali electus non potuerit intervenire, & adesse Capitulo successivè futuro, tunc electio novi socii fiat à Ministro Generali, & duobus Diffinitoribus Generalibus existentibus pro illa Provincia, & à Provinciali ipsius Provinciae, cui defecerit socius, & hoc per secreta suffragia ante Capitulum tempore sufficienti, ut socius sic electus possit accedere ad Capitulum.

Abfolvit Oratorem à censuris.

§. 3. Quare idem Procurator Generalis Nobis humiliter supplicari fecit, ut in praemissis opportunè providere, & ut infra indulgere de benignitate Apostolica dignemur. Nos igitur ipsum Procuratorem Generalem specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine, quavis occasione, vel causa latis, si quibus quomodolibet innodatus existit ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus inclinari, statutum, & decretum hujusmodi à dicto Capitulo Generali sicut praemittitur editum, auctoritate Apostolica tenore praesentium confirmamus, & approbamus, illique inviolabilis Apostolicae firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint supplemus.

Confirmat prout in rub.

§. 4. Praeterea in vocales Capituli Generalis dictae Congregationis Ministrum Generalem, Diffinitores Generales, Provinciales, & unum socium pro unaquaque Provincia ipsius Congregationis, qui una cum Provinciali veniens ferat vocem Provinciae, & debeat esse unus ex Ministris Conventualibus ipsius Provinciae, sicut per sta-

tutum; & decretum supra expressum petitur, auctoritate, & tenore praefatis assignamus.

§. 5. Decernentes eandem praesentes litteras, semper firmas, validas, & efficaces existere, & fore; suosque plenarios, & integros effectus fortiri, & obtinere, ac ab illis, ad quos spectat, & pro tempore quodcumque spectabit, inviolabiliter observari. Sicque in praemissis per quocumque Judices ordinarios, & delegatos etiam causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate, scientia, vel ignorantia contigerit attentari.

§. 6. Non obstantibus praemissis, necnon fel. rec. Clementis Octavi, quae incipiunt, Ad Militantis Ecclesiae regimen die 20. Augusti 1599. & Pauli Quinti Romanorum Pontificum praedecessorum nostrorum, quarum initium. In supremo militantis Ecclesiae folio die 14. Augusti 1613. respectivè emanatis in simili forma Brevis litteris, per quas conceditur, quod Ministri Conventuales habeant vocem in Capitulo Generali d. Congregationis, & aliis ordinationibus, & Constitutionibus Apostolicis, ac ejusdem Congregationis, illiusque Provincialium, Domorum, & Conventuum quorumvis etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & litteris Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plenè, & sufficienter expressis habentes, illis aliàs in suo robore permanentibus, ad praemissorum effectum hac vice dumtaxat specialiter, & expressè derogamus, caeterisque contrariis quibuscumque.

§. 7. Volumus autem, ut earundem praesentium transumptis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides adhibeatur ubique in iudicio, & extra, quae praesentibus ipsis adhiberetur, si forent exhibitae, vel ostensa.

Datum Romae apud Sanctam Mariam Majorem, sub Annulo Piscatoris die 4. Februarii 1660. Pontificatus nostri Anno quinto.

Declaratio Brevis san. mem. Innoc. X. super modo recipiendi, & profitendi Novitios in Monasteriis Reformati Congregationis del Tardon, Ordinis S. Basilii Magni.

De his Monachis vide ad Constit. 127. Urbani VIII. Pastoralis, & hic supra ad Constitutiones 77. 78. & 79.

ALEXANDER PAPA VII.

Ad futuram rei memoriam.

Alia pro parte dilecti filii Francisci à JESU Procuratoris Generalis Congregationis, seu Provinciae Reformatae del Tardon nuncupati. Monachorum Ordinis Sancti Basilii Magni in Hispania Venerabilibus Fratribus nostris S. R. E. Cardinalibus negotiis, & Consultationibus Episcoporum, & Regularium praepositis exposito, quod fel. rec. Clemens Papa VIII. Praedecessor noster per quasdam suas super Reformatione Monachorum dictae Congregationis die 23. Septemb. 1603. expeditas in simili forma Brevis litteras, quarum initium, Altissimi dispositione, &c. quo vita communis, & Regularis observantia rectius, & strictius inter multos postea observari, voluerat, ut omnes Conventus Congregationibus hujusmodi numerosam Monachorum multitudinem habere procurarent,

Decretum irritans.

Contrariis derogat.

Transumptis credi mandat.

Dat. P. A. die 4. Febr.

LXXXIV.

Edita A. D. 1660.

Motiva hujus Conditio